

27393/p

6

DISSERTATIO MEDICA

INAUGURALIS,

DE

ASTHIMATE.



Digitized by the Internet Archive
in 2018 with funding from
Wellcome Library

<https://archive.org/details/b30383766>

DISSERTATIO MEDICA
INAUGURALIS,

DE

ASTHMA TE;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P.

ACADEMIÆ EDINBURGENÆ Praefecti:

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit

ALEXANDER HALLIDAY,

SCOTUS.

“Indicium rubor est, et ductus anhelitus aegrè;

“Ora patent; auraeque graves captantur hiatu.

“Non stratum, non ulla pati velamina possunt.”

Ovid, Met. Lib. 7. l. 555.

Ad diem. 12. Sept. hor. loc. fol.



Edinburgi :

CUM PRIVILEGIO, APUD ALEX. SMELLIE.

1805.



VIRO ADMODUM HONORABILI,

ALLANO MACONOCHE

DE MEADOWBANK,

SUPREMÆ, APUD SCOTOS, CURIÆ,

CUM IN CIVILIBUS TUM IN CRIMINALIBUS,

SOLERTISSIMO ATQUE INTEGERRIMO

SENATORI;

Qui literas humaniores omnemque doctrinam
atque scientiam ineunte aetate felicissimè ex-
colebat; et etiamnum, post fori strepitus at-
que quotidianos in legibus administrandis la-
bores, his iisdem animum reficit, et aetatem
proveciorem oblectat; Has studiorum primi-
tias, ex animo grato atque observantissimo,

D. D. D.

A. HALLIDAY.

To John Dillon Esq. with best
Compliments from the Author

DISSERTATIO MEDICA

INAUGURALIS,

DE

ASTHMA.



RESPIRATIO, de qua pendet vita, multis variisque morbis obnoxia est. Hos tamen omnes notare, atque eorum causas exquirere, ut longi laboris esset, haudquaquam fert animus. Unum igitur selegimus, cui nomen ASTHMA de quo, omis-
sis aliis, breviter differere pergimus.

Primum omnium, notatu dignum est, quod
VOX ASTHMA variè a scriptoribus usurpata fuit,

A

nos

nos tamen eâ utimur, sensu illo restrictiore quem his verbis lucide exposuit CULLENUS : “Spirandi difficultas per intervalla subiens ; cum angustiae in pectore sensu, et respiratione cum sibilo strepente ; tussis sub initio paroxysmi difficilis, vel nulla, versus finem libera, cum sputo mucî saepe copioso.”

Primis morbi paroxysmis, symptomata graviora omnem animi attentionem sibi vindicant ; sed aegro, aliquandiu morbo implicito, multa alia sese offerunt, quae eum rite praemonent venientis mali. Inter alia, lassitudo quaedam et torpor artus praegravant, gravescit etiam caput, interdum dolet ; atque aeger et mente et corpore languet. Interdum sibi et adstantibus somnum quietum initurus videtur, sed non datur tali frui voto. Saepissime ventriculus primus laborat, atque haud valet solito perfungi munere. Concoctione impeditâ, generatur magna vis aëris, quae ventriculum inflat atque inertî pondere premit ; et saepe cum caeco murmure tota intestina pererrat. Molestia tenet totum corpus, anxietas

tas praecordia premit, respiratio fit frequens, difficilis, anghela, et subinde, aeger stadium gravissimum morbi inire cogitur. Interdum tamen, his omnibus praemissis, primâ nocte, somnus obrepit, sed inquietus nec longam laboris oblivionem aegro allaturus; paucis enim horis subito excutitur, et provocatur infelix aeger veniente colluctari morbo. Urgente dyspnoeâ, saltu repentino se lecto erigit, ore hianti patulisque naribus nititur auram carpere vitalem; sed pectus et guttur, sicut aere revincta, movere recusant, adeoque respirationis functio perfici nequit. Mente turbatâ seu Naturâ suadente frigidum aëra petit, omnem vestitum et collo et pectore depellit; molitur summâ vi elevare costas, ut thoracis cavum amplietur, et introitus apertior sit aëri; sed haec omnia minimè profunt. Respirationis muscoli hos motus salutiferos perficere recusant. Glottis etiam et trachea totumque pulmonum systema rigida, fiunt; atque sonum strepentem edunt, ineunte et exeunte aëre. Si tussis aut sermonis qua datur facultas, sonus durus raucusque redditur, et nil sputi ejicitur
etiam si

etiamſi tuſſicula exſcreare monet. Micant oculi, interdum lachrymis ſuffuſi. Vultus pallidus et tenſus, interdum tamen rubet aut livet. Pulſus fit celer atque validus, junioribus et plethoricis; aliis tamen debilis tardus et intermittens. Calor rarò auçtus; ſaepius corpus totum mirè frigefcit. Humor gelidus frontem genasque irrorat; cor palpitat miſero tumultu; et ſaepè, ſi ſcriptoribus fides, ſyncope ſupervenientiſ natantia lumina condit. Crederet rudis de aegro actum eſſe, et procul dubio, paroxyſmus aliquoties fuerit lethalis; ſaepiſſimè tamen pectoris vincula ſenſim fiunt ſolutiora, et liberior ſpirandi datur copia. Tunc incipit aeger tuſſire et loqui facilius, atque cum ſono naturali; pauxillum muci exſcreat ſaepè ſanguine aut lineis nigris diſcretum; et quanto plus ſputi tanto citius decedit morbus. Urina quae, perſtante paroxyſmo, limpida copioſaque reddebatur, nunc parcior fit, atque multum ſedementi deponit; pulſus ad ſtatum uſitatum redit; rurus pervadit artus genialis calor; et brevi, aeger, quaſi labore conſectus, obruitur ſomno.

Temporis

Temporis spatium quo haec omnia peraguntur non semper fixum atque idem est. Plerumque paroxyfmi praecurfores vespere fubeunt; sub mediâ nocte morbus irruit summâ vi, et ante primam lucem mitior evadit, aut penitus decedit atque excipitur fomno. In paroxyfmis tamen gravioribus non tam cito decedit, postero enim die, quaedam spirandi difficultas remanet, quae ad vesperem ingravescit, et saepissimè, eâdem hora qua prius, de novo ingruit paroxyfmus eundem cursum perfecturus. Hoc modo per multos dies atque etiam hebdomadas asthmaticus saepe laborat; sensim tamen leniores et breviores fiunt impetus, et tandem penitus cessant. Supervacaneum esset dicere mentem aegrotare adeo laborante corpore; nobis tamen contigit quendam videre, qui lecturâ ludisque delectatus est cum eloqui non potuit, tam graviter saeviebat morbus.

Talem induit formam gravis asthmatis paroxyfmus. Omni tamen tempore hanc non fideliter servat, nam gravitate duratione aliisque modis multum variat; sed haud necesse est has diversitates

fitates magis speciatim notare. Sub omni forma asthma maximè perhorrendum est, nam quemcunque semel corripuerit non solum in presenti graviter vexat, sed, quamdiu vita persistat, eum rarissimè penitus demittet quia intervallis, magis aut minus longis, incurfus redintegrare solet. Quidam paroxysmo corripuntur semel in anno, alii bis vel ter; multi singulis mensibus aut etiam hebdomadis; et quo longius duraverit morbus, breviores fiunt intermissiones, donec in dyspnoeam continuam transit. Pauci autem fruuntur mitiore fato; nam quoque secundo quarto aut septimo etiam anno recurrunt paroxysmi; atque per totum vitae longae decursum, tempus solenne ritè observant. Interdum etiam sed rarissimè, post aliquot annos compluresque impetus, morbus decedit haud rediturus. Plerumque tamen, nil aegroto expectandum est, nisi paroxysmi crebriores et longiores, donec morbus aliquis auxiliaris eum de medio tollat.

Apud scriptores invenimus, asthma nulli terrae plagae restrictum esse; regionibus autem septentrionalibus,

trionalibus, et sub coelo vario atque crebris procellis aspero maximè viget. Insulam hancce nostram sicut patriam agnoscit, ubi omni tempore anni regnat, sed, ut quibusdam placet, latius hieme. An loco humili aut excelsso, sicco aut humido, magis gaudeat, parum compertum; ubique enim inventum est, et rus apertum urbemque clausam aequè imperio premit. Sed aeger asthmate implicitus omni loco non aequè valet. Unus sese melius gerit rure, alter in urbe; atque locus et aer illi convenientes huic nocent.

Asthma tamen omnem aetatem non ex aequo invadit; nam seniores plerumque adoritur; et cum juniores aggreditur, vires semper acquirit annis. Quidam volunt mares ei obnoxiores esse, alii autem foeminas, ex quo colligi potest quod asthma nulli parcat sexui sed mares et foeminas aequè premit. Omnia temperamenta etiam invadit, etsi secundum quosdam, sanguineum ei magis proclive est; hoc tamen affirmare aut refellere experientia nostra non sufficit.

De variis speciebus asthmatis a scriptoribus memoratis, non est in animo verba facere; morbus semper idem est, causae excitantes tantum diversae. Pergimus igitur referre quibus modis asthma ab aliis respirationis morbis discerni potest.

DIAGNOSIS.

ASTHMA et quaedam species dyspnoeae exiguo fine dirimuntur. Eandem aetatem invadunt, iisdem causis oriri videntur, formam haud multum diversam gerunt, atque uti supra memoravimus asthma saepè in dyspnoeam veram transit. Asthma tamen dicitur magis subito oriri atque aegrum vehementius angere. Ab causis levioribus etiam originem saepe ducit. Inspiratio et expiratio sunt aequae impeditae, sed paucis horis peractis rursus liberiores fiunt, et paroxysmo peracto, aeger bona fruitur valetudine donec morbus de novo reintegrat impetus. Atque hoc plerumque fit certis temporibus, et cum nulla causa manifesta adest

est. Contra, dyspnoea paulatim suboritur, nec citò tam longe procedit. Inspiratio etiam longe difficilior est, et impletione pectoris obstari videtur. Spirandi difficultas perpetua et constans et ex causâ bene nota oriri solet.

Ab hydrothorace tamen multo facilius dignoscitur asthma. In illo respiratio continuè laborat, sed spiritus non editur strepente sono. Tussicula valdè molesta adest. Vultus non solum ut in asthma pallet, sed isto pallore leucophlegmatico squalet, qui hydropem semper designat. Intumescunt etiam pedes, et urina est parca atque turbida. Pulsus valdè irregularis; somnus multoties subitòque interruptus, atque somniis horrificis perturbatus; et saepe liquor in thoracis cavo tactu sentiri potest. Haec signa hydrothoracem ab asthma clarè distinguunt.

Asthma a cynanche tracheali dignoscitur quod haec plerumque infantes impuberesque adoriri solet, laryngem atque partes superiores

tracheae maximè occupat, pyrexia etiam adest, paucis diebus morbus decedit aut aegrum opprimit, vox ejus clangosa differt sono quem edit asthmaticus, nec ut asthma periodicè redit.

Ab pectoris anginâ dignoscitur quod aegrum sensu obstrictûs circum pectus, non dolore afficit.

Hysteria, iste morbus multiformis, formam asthmatis saepe induit, atque medicum peritissimum falleret si ad sexum, aetatem, mores habitusque aegroti animum non applicaret, his tamen exploratis nil dubii remanere potest quod praxi rectae obstaret.

CAUSAE PRAEDISPONENTES.

HAEC, ut indicat nomen, corpus morbo magis obnoxium reddunt. Uti supra memoravimus, asthma ineuntem aetatem rarissimè invadit, igitur
cuique

cuique de causis praedisponentibus reputanti primò occurrit aliquam huic morbo proclivitatē annis partam esse. Naturam tamen hujus proclivitatis nemo adhuc explicare ausus est, etiam si cum haec abest causae aliae plerumque nullum edunt effectum.

Plethora et obesitas inter causas praedisponentes a plerisque recensitae sunt. Procul dubio respirationi mechanicè obstant, sed utrum aliquid praeterea faciunt magis incertum est. Plurimi et plethorici et obesi asthmate expertes vivunt, et si forte correpti sint cito mirè tabescunt, sed cum nitore et sanguine non morbum depellunt, nec paroxysmo ullo sequeute minus vexantur. Porro summa macies non valet quemcunque defendere contra asthmatis impetum.

Thoracis deformitas saepe liberae pulmonum distensionī obstat, atque dyspnoeam perpetuam gignit, et saepissimè illi hoc modo laborantes etiam tentantur asthmate. Hoc vitium corporis est unica causa praedisponens sensibus aperta, sed

cjus

ejus modus operandi admodum obscurus est, et causa saepè adest ubi non comitatur effectus.

Est etiam quaedam corporis constitutio, liberis a parentibus tradita, quae asthmati maximè proclivis est, nemo enim ignorat asthma esse hereditarium. De qua autem muscutorum aut nervorum constructione haec pendet constitutio, quibusve modis a parente ad stirpem tradita est, Natura inter arcana sua conditum servat. Sed etiam in iis quibus inest haec constitutio, provectiori aetate tantum supervenit morbus. Nec stirps tota semper inquinatur hac labe hereditaria, eodem modo ut quisque filius parentem non refert ore, nam multi asthmaticorum liberi omni respirationis morbo securi vitam degunt. Interdum etiam asthma gravissimè saevit ubi adest nullum vitium hereditarium, ita ut nullis certis signis colligi potest quis morbo corripietur aut quis solutus evadet.

Debilitas, nimia evacuatione, morbo aliove casu inducta, causa praedisponens quoque habita
est,

est. Sed causa praedisponens omnium potentissima atque optimè cognita est morbi prior paroxysmus, nam rarissimè quisquam dimittitur postquam unum alterumve paroxysmum passus sit. Tot sunt causae praedisponentes ab auctoribus memoratae, et fatendum est multâ caligine adhuc premuntur.

CAUSAE EXCITANTES.

EAE sunt quamplurimae, et multum inter sese diversae; igitur referemus paucas de medio sumptas. Primae notatu dignae sunt aëris vicissitudines. Quamvis una aëris conditio respirationi sanae magis faveat, tamen homines vivere atque valere possunt vario aëre, et intra certos fines aër ille saluberrimus est quem cuique commendaverit usus. Vicissitudinès tamen leviores, quamvis respirationem sanam nullo modo afficiunt, saepe multa incommoda asthmatico afferunt. Hinc asthmaticus qui rure degens bona fruitur valetudine si urbem appropinquet paroxysmo corripietur,

pietur, contraque si civis sit urbe valet et aegrotat rure. Si montium incola sit, haud impune in valles descendet, et si crasso aëre vigeat ei nocebit purius coelum. Immo aëris diversitas quae sensus aliorum penitus latet asthmaticum saepè graviter vexat. Ex his omnibus sciri potest non aëris quamvis certam conditionem sed conditionum vicissitudines paroxysmum excitare. Haeque vicissitudines ad humorem calorem omnesque vapores et odores aëre commixtos pertinent, et hinc quo saepius hae occurrunt eo magis viget asthma. Interdum tamen asthmatici omnem varietatem et aëris et coeli, sine injuria patiuntur, nec ante tempus solenne quod prior usus statuit, redit paroxysmus.

Indigestio quocunque casu inducta etiam asthmatis paroxysmum per saepè excitat. An hoc fiat ex pulmonum et ventriculi mutuo affectu an ex ventriculi inflatione, quae concoctionem pravam subsequitur et mechanicè respirationi obstat, in medio relinquimus, sed certè nulla causa excitans potentior frequentior magisve do-

lenda

lenda est, asthmatici enim semper valdè stomachici fiunt.

Satis cognitum est asthmatis paroxysmum saepe induci multis respirationi mechanicè obstantibus. Hinc pectoris constrictio vestitu aut etiam cataplasmate ei admoto saepè asthmaticis nocet. Exercitatio vehemens quae sanguinem incitat atque respirationem frequentiore reddit certissimè paroxysmum inducet. Perspiratio imminuta aut penitus cohibita sive frigore aliâve causâ eundem edit effectum, et si supervenerit catarrhus, impetus gravis certissimè fubeundus est. Multi alii morbi asthma excitant aut cum eo alternant, praecipuè variola, rubeola, hysteria, et podagra, si scriptoribus fides sit. Evacuationes nimiae aut subito suppressae, studia graviora atque affectus vehementiores animi paroxysmum etiam ciunt, sed causas plures enumerare, aut de his supra memoratis fufius differere supervacaneum esset, quia ex jam dictis satis apparet ut quaevis mutatio aut statûs, aut functionum corporis, asthmatis paroxysmum excitare valeat.

CAUSA

CAUSA PROXIMA.

DE hac parum constat inter auctores. Quaecunque sit, symptomatum rationem reddere sufficeret. Hoc tamen non facile factu quia causae praedisponentes non satis cognitae, excitantes variae et diversae sunt, atque in hac re nihil ex cadaverum incisione disci potest.

Affectio spasmodica cellularum pulmonalium a CULLENO memorata, quaedam symptomata satis bene explicat. Hinc angustiae in pectore sensus quae inspirationi et expirationi aequè obstat. Et nemo eat inficias talem spasmum posse fieri quia in bronchiis anatomici fibras musculares non detexerunt, nam membrana per partes interiores pulmonum obducta eandem texturam quam arteriae ac venae habet, et in his nemo ignorat motus contractionesque gigni.

Sed pulmonum affectio spasmodica rationem non reddit soni istius strepentis quem edit asthmaticus

ticus, vox enim non a bronchiis sed a glottide formatur. Nil tamen vetat glottidem atque laryngem eodem spasmo affici atque huic sono originem dare, et obstructus in gutture sensus nos reddit certiores rem ita sese habere.

Nec ad has partes solummodo extendit haec affectio spasmodica, nam septum transversum quoque aliosque musculos respirationi inservientes etiam invadit ut ex totius thoracis rigiditate satis manifestè apparet.

Idem spasmus rationem satis verisimilem reddit tussis et sputi in variis stadiis paroxysmi. Sub initio tussis difficilis vel nulla, quia persistente spasmo pulmones moveri nequeunt, et dum cellulae validè constringuntur nil humoris exudat ad tussim excitandam, sed versus finem decedente spasmo, rursus defluit humor et tussis liberior exoritur cum sputo mucii saepè copioso.

Talem rationem symptomatum reddit haec affectio spasmodica, et aegroti sensus docet eam verè

adeffe. De ejus praefentiâ multa alia fidem faciunt; paroxysmus ficut in aliis morbis fpafmodicis fubito atque ex caufis levibus, et praecipuè ex animi motibus exoritur, dum perftat multum urinae limpidae redditur, atque cum hysteria aliisque fpafmis alternat. His igitur pofitis, theorias varias auctorum confirmare, aut refellere, aut etiam enumerare haud neceffè eft, itaque facro filentio praetereantur.

PROGNOSIS.

HAEC admodum infaufa eft. Multi quidem afthmatici ad ultimam fenectutem perveniunt et rariffimè uno aut altero impetu aut etiam vi propria morbi conficiuntur. Etsi quovis paroxysmo in ipfo articulo mortis verfari videntur tamen cum longe procefferit morbus et fyncope fupervenit fymptomata ftatim mitefcunt et deinde more folito decedunt. Aliquando tamen brevi paucisque paroxysmis aegrum conficit, fed faepius poft complures graves impetus morbum aliquem auxiliarem fibi afciscit,

ciscit, atque viribus confociatis aeger cito succumbere cogitur. In junioribus phthisin pulmonalem saepe inducit, alios hydrope hydrothorace aut vaforum majorum aneurismate interimit, et ubi haec non eveniunt, morbus aegrum nunquam ferè dimittit donec crebris impetibus atque summa macie et debilitate confectus, diem supremum obit. Interdum tamen uti supra adnotavimus post complures impetus penitus decedit, aut virili aetati pareit ut collecta vi in senectutem irruat.

RATIO MEDENDI.

QUAMVIS hic morbus per longum tempus incubuit gentibus, nullum remedium adhuc repperitum est, quod eum auferre aut prohibere valeat. Sed utrum ad paroxysmum dirimendum seu ejus reditum prohibendum spectamus, multa et non sine fructu adhibeantur.

Si aeger juvenis aut plethoricus sit, et suffocatio immineat, sanguinis missio saepè optimos edit effectus,

effectus, nam omnem spirandi difficultatem pluresque spasmos cito dimovere solet. Cautè tamen adhibenda est quia plethoram gignit quae liberae respirationi semper obstat, atque istam mobilitatem auget, quae paroxysmi reditui favet. Porro si multum sanguinis detraheretur debilitas supervenit quam dirus hydrops plerumque subsequitur. Sed haud necesse est multum detrahere; unciae enim duae vel tres subito emissae ad paroxysmum levandum saepè sufficiant.

Medicamenta purgantia ingruente seu perstante paroxysmo, nisi constipatio adest, nil levaminis afferunt. Saepè etiam spirandi difficultas augetur aliqua re irritante in ventriculum recepta, ideoque semper magis prodest ventrem solvere ope enematum.

Vomitus plurimum valet seu impetum prohibere seu paroxysmum praecidere volumus. Quidam mihi bene notus qui complures annos asthma laboravit hoc remedio multum usus est. Cum indigestio paroxysmi fidus praecursor accessit

cessit experientia doctus dosin ipecacuanhae sumit, et simul atque cessaverit vomitus ad lectum confugit atque ibi fomno et sudori deditus tutus latet. Si unquam inopinatò corripitur, quod raro fit, emetico sumpto symptomata statim mitescunt et deinde paulatim decedunt. Hoc modo non injucundè degit vitam, nec ut cautus medicus timeret frequens vomitio ventriculo multum nocet. Addere liceat ejus experientiam confirmare opinionem quod ipecacuanha praestat omnibus aliis emeticis in levando asthma te.

Multa antispasmodica sicut quodam incantamento paroxysmum praecidunt, sed ubi saepe adhibita sunt, omnem vim amittere solent. Hinc necesse est multis variisque uti, et saepe mitiora multum proderunt ubi acriora multoties summo fructu antea sumpta frustra exhibait sunt. Ex his omnibus opium et aether sulphuricus sunt optima. Ne vires amittant exhibeantur alternè, et multi monent ut conjuncte fumerentur, quia hoc pacto vires medicatrices utriusque augeri videntur. Moschus, alkali volatile atque camphora

camphora etiam interdum levant paroxysmum, sed cautè adhibenda sunt quia pulsum incitant atque pyrexiam et delirium inducunt.

Cum, decedente spasmo, tussis et excreatio sunt difficiles et molestae quaedam expectorantia plurimum juvant. Ex his scilla maritima, gummi ammoniacum et ipecacuanha parvis dosibus exhibita, inter optima recensenda sunt. Liqueur coffeae a quibusdam multum laudatur, et quendam cognovi qui theam solummodo forbebat, quamdiu perstiterit paroxysmus, et sine maleficio; sed harum rerum usus frequens in dieta quotidiana earum vires medicatrices minuere debet, et plerumque hi potus multo saccharo commixti aegroto nocent, nisi prior usus eos stomacho commendaverit.

Hoc morbi stadio pediluvia multum juvant; praesertim si artus frigent, istam enim perspirationem citius provocant cum qua paroxysmus plerumque desinit. Tantum valet medicina paroxysmum praecidere, et nunc expediendum est quibus modis reditui ejus occurrere possimus.

Causae praedisponentes sunt parum cognitae, ideoque latet quibus modis auferendae aut vitandae sint. Tantum igitur restat ab causis excitantibus cavere, aut contra earum vires corpus confirmare.

Si res et vitae munera patiuntur, asthmaticus in terram aliquam benigniorem demigrare debet, ubi sub coelo sereno nec procellis vexato vitam degeret. Sed cum hoc non potest fieri, varii coeli effectus prohibendus est vestitu, aut exercitatione multa sub dio corpus corroborandum est contra aëris vicissitudines, et tempestatum vires. Vestitus tamen gravis haud gerendus est, quia perspirationem nimiam elicit quae corpus debile reddit, et exercitatio vehemens eodem modo multum nocet. Haec duo etiam contra indigestionem causam excitantem valdè frequentem, maximum praesidium praebent. Maxima temperantia et cibi et potus adhibenda est quia nil rectae concoctioni magis favet, et praesertim condimenta nimia et liquores spirituosus deneganda sunt, nam ventriculum debilem et infirmum semper reddunt.

reddunt. Ab constipatione etiam caveret asthmaticus nam probae concoctioni multum obstat. Mentis exercitatio prodest, sed motus omnes immodici seu ira gaudium aut tristitia effugiendi sunt, quia haud raro paroxysmum excitant. Quibusdam etiam placet confirmare corpus lavatione frigida, et si nil nocet adhibeatur. Si aeger ipse medicamentis gaudet, utatur cinchonâ atque aliis tonicis et stomachicis, sed ne cesset medicus monere regimen idoneum omnibus medicamentis longe anteponendum esse.

F I N I S.

